

直隸南雄州志

直隸南雄州志卷三十一

始興

列女下

一百四十二人

明

監生鍾鼎妻鄧氏姚村鄧貴女也天順八年廣西流寇侵境掠其夫執役見鄧有姿欲污之鄧給賊曰我有藏金當取以相贈賊謂信然偕至井邊遽抱幼子投井中賊怒下石擊之死焉後七日出其屍如生人皆異之時訓導陳良貴爲之誄曰鄧烈婦夫死鞠兒心愈固一朝流賊肆羣兇矢心焉肯蒙霧露抱兒給賊取金餅黃金不來身落井賊下石烈婦雖死綱常立嗟哉子臣剛有鬚立身反不烈

913-733
4040
16

登錄號 46901

36 年 5 月 1 日

婦如

傳見戴氏通志
誄未載

張綸妻羅氏綸弟絃妻沈氏羅年十七沈年二十歸夫家兩年而夫俱卒俱無子舅姑欲奪其志二婦以死誓竟不能移羅年七十五沈年六十七並無瑕玷嘉靖中知縣高輔以狀聞詔旌其門曰雙節

見黃氏通志

楊某妻何氏城內人二十而寡勵節教育二子仕縉仕紳及孫拭俱庠貢有名兩臺交獎年九十二卒鄧成章妻梁氏年十七適鄧二十八成章隨父宦粵西偶霑疾遽卒時長子必昌四歲次必隆二齡季必顯始生訃至梁哀毀欲殉或以言飭之曰年

子稚恐難守志奈何梁正色泣謝曰何出此言自
幼歸鄧願期百年不幸有此當以死守敢二心以
貽辱二黨乎自後人莫敢言梁志愈堅孝事舅姑
義訓三子孀居五十餘載壽八十一必昌以貢授

秀水縣丞

見金氏
通志

楊玉琮妻何氏年十八生子名世甫二月夫卒孀居
撫孤壽八十有七名世長食餽郡庠

庠生杜詩妻黃氏城內人年二十娶居無子矢節不
渝撫姪繼美爲後亦游泮當事給扁獎之壽七十

七歲

與楊某鄧成章楊玉琮徐學偉陳
萬道賴德高等妻俱見金氏通志

庠生徐學偉妻何氏積善坊人二十三而寡孝節無

勸課子翌明入泮兩臺旌之壽七十餘歲

黃超秀邑庠生黃銘女也崇正辛未流寇攻城時超秀年十五與嫂郭氏年十九二人闔戶自經死袁大和妻何氏辛未流寇破城墜井死

鄧氏桂姊貢生黃錫之妾年二十二崇正辛未流寇入城被執欲辱之鄧紿賊曰汝旣獲我須從容以俟何相逼爲及暮託以浴遂入室易衣自經

黃金耀妻邱氏辛未流賊肆掠夫妻攜子逃至南塘賊追急邱揮淚別夫曰君可抱兒疾走妾終於此矣黃猶遲回不忍去邱遂赴水死

按崇正辛未之變同時婦女投水死者甚多姓

名無考惜哉

舊志

梁紅與弟繪俱邑庠生紅妻何氏嘉靖乙亥年十六紅故無所出越己卯繪卒妻林氏年二十遣子國光僅一歲妯娌矢志不二相依撫孤後國光食餼邑庠何年七十八林年八十三堅貞無疵邑令李

白白旌曰一門雙節

黃超秀以下俱見一統志

陳禹道妻何氏年二十而寡子邦郡邦都俱幼禹道遺命改適攜養二孤何以死誓紡績自守雖鄰婦終年不得一見勤課兒讀後邦郡補邑弟子員何年九十無疾而卒崇正丁丑邑令陳宸扁曰節壽垂芳乙酉郡守吳復扁曰節壽日麗邑令朱常憑

扁曰邁耄貞操

金氏通志作萬道

何德高妻賴氏年二十二德高死矢志完貞歷年九十六邑令旌曰貞節又曰冰玉節操

國朝

貢生何德愚妻張氏少年嫠居堅操自守督訓三孫後一華揚清一正俱列庠貢壽九十一郡守鄭龍

光給扁曰熙朝人瑞郡守呂奇策旌曰完節待褒

舊府志省志俱作何德愚妻邑志誤作媳今正之

庠生陳白樹妻徐氏城內人年二十四孀居無嗣家

貧辟繡以事舅姑舅欲奪志誓死靡他既歿哀戚

終喪卒年七十五里人賢之

鄉賓郭遠亨妻盧氏水心里人感恩司訓凌漢生母
己丑八月流賊劫寨被圍盧厲聲罵賊赴火自焚
死郡志又載時與媳盧氏俱被執賊露刃脅之行
姑媳同罵賊不屈偕赴火死姑年三十八媳年二
十卽凌漢妻也賊見其烈亦爲歎息

見一統志

馮氏嘉街積善坊人郡庠生饒獻母少年孀居貧苦
自給竭力教子蔬食三十餘年康熙戊申馮壽七
旬之一士紳合詞公舉邑令于大猷扁旌曰堅節
垂芳

邱遇仙妻鍾氏年二十六夫亡守節事姑撫子乾隆
丁巳壽八十有二終

賴德瑚妻郭氏年二十八夫亡矢志柏舟孝事尊嫜
慈撫孤兒邑令胡世科扁旌曰松筠並茂乾隆十
六年卒壽九十一

庠生郭宏烈妻黃氏年二十夫亡欲經以殉家人勸
以上有髦姑身有遺腹忍事育乾隆丁卯壽八十
卒孫俱入泮督學王丕烈旌曰冰操特訓

廩生郭柱妻陳氏年二十二夫亡守節七十餘歲終
督學王丕烈旌曰苦節幽芳

賴修妻朱氏年二十二夫故矢志孀守洗腆事姑義
方訓子雍正甲寅朱六十三歲旌表

舉人郭宏焜妻馮氏康熙丙戌宏焜上公車卒於京

邱馮年二十八聞訃絕而復甦者數四髦姑慰諭
忍死事姑撫孤成立已而孤亡抱慟而卒

見省志

陳植五妻蕭氏孝姑嫜和妯娌年二十八夫亡守節
撫孤備嘗辛苦七十三時給事胡定贈扁曰瑤池
冰雪

庠生郭宏剛妻陳氏年二十五夫亡竭蹶奉姑辛勤
課子完節而終

省志作郭剛
當是誤遺宏字

易世鈞妻王氏年二十六夫亡守節事姑撫子提學
吳嗣富旌扁曰清芳世澤時年六十

庠生饒光榮妻陳氏二十五歲守節現年五十八

張學懋妻郭氏二十四歲夫亡守節孝以事姑慈以

撫子現年五十三

林觀養妻劉氏乾隆乙丑總服姪林柱生欲強汚之
劉斥罵不從柱生遁去劉計曰吾受人辱雖活何
爲遂自經題准旌表

郭嗣垣妻張氏高明司訓元中之妹年二十二夫亡

自經以殉家人覺救勸諭乃止子復殤以姊子爲

嗣未幾姑卒值夫忌辰語其姊善撫子乃自縊

俱見舊

府志

儒士凌碧漢妻李氏夫亡李年二十四二子俱在襁

褓矢志不移冰守終身六十五卒

李氏農家女王泗麟妻清化下水人夫患癆瘵日侍

湯藥臥不解衣兩載未愈李時年二十三夫語之
曰吾病難保汝年少又無子當如之何李泣曰君
自善養何慮妾爲若天不祐自有一死豈肯他適
乎及大垂危乃面之投繯自絕夫不能起救嗚咽
痛哭是夜隨卒夫妻全殯鄰里呈報通學具懇題
旌內云當夫子彌留之夜卽賤妾偕逝之辰雙親
視息固請就寢以少安五夜啓門輒見投繯而並
命無藐諸之累雖隱痛於三生遂同穴之情自甘
心於一死邑令楊于位惻然批准具詳以彰貞烈
在案爲署翁源縣呈誤解任事遂寢邑人哀之

大清

一統志作

王四靈

廩生楊廷妻李氏年二十七夫亡孀守撫子凱及孫
賢效俱游泮而早逝曾孫登文乾隆二年入郡庠
李已七十三猶自紡績督登文誦讀常於燈前戒
之曰汝承三代之業當刻勵前進以慰先人切勿
懈惰墮汝門戶也七十五歲卒公舉入志邑令鄭
批云青年守志白首完貞課子和丸三代書香宜
續承宗辟績一門孝友堪型可謂節芳四世矣
劉肇舉妻曾氏夫亡年二十七二孤長四齡次甫一
歲家無擔石紡績乳哺翁憐之勸其他適曾矢死
靡他上奉舅姑下撫二子備極艱苦終無怨嗟人
以爲難至六十三歲卒

林標妻莫氏上台人年二十二夫亡守節撫其幼子
春榮游泮卒年六十提學吳嗣富旌以扁曰勁節
凌霜

庠生張鵬霄妻聶氏夫亡年二十七男兆湛甫四歲
家徒壁立矢志柏舟上事舅姑下撫弱子備極艱
難壽七十有九卒孫柏華縣貢

庠生饒光成妻蕭氏夫亡年二十五二孤俱幼矢志
孀守上奉姑嫜下撫弱子克順克慈子先澤先寵
俱獲游庠提學吳嗣富旌曰孀帷母教現年六十
七歲

何儒範妻吳氏夫亡二十七歲孀守奉姑持家儉而

能惠教子元輝成立列名太學年五十五鄉鄰呈
懇表揚邑令鄭炳旌以扁曰松筠節操教諭姚裕
謙旌曰孤燈課子訓導謝大振旌曰節孝可風
蕭氏監生考授州同王道純妻夫亡年二十七二孤
俱幼矢志孀守奉姑持家延師訓子長境次機俱
獲游庠提學程巖旌以扁曰節凜冰霜現年五十
五歲

鄧氏城內張仲孝妻夫亡年二十六矢志靡他貧難
勿恤奉事衰邁舅姑撫育穉弱男女克順克慈艱
守三十餘載現年六十二

凌湛妻張氏湛童試卷錄限額提學批以科考

益自攻苦感寒疾醫藥罔效垂危願張曰死生
也我止一女汝年過少因嗚咽不能言張哭誓曰
但願天長地久若妾生爲凌家婦死作凌家鬼而
已何爲計此及夫卒張年二十五撫其幼女抱姪
承嗣日事紡績敬事舅姑慎起居寡言笑鄉里咸
歎其貞靜現年五十一歲

蔡氏周所張貞元妻二十四歲夫亡家貧矢志堅守
依髻姑爲命竭力養之姑八十七歲卒盡心喪葬
男亦成立現年五十二

邱惟瑞妻張氏禾花塘人年十九夫亡止生二女茹
荼守節竭力事姑歷三十餘載營葬營嫁皆所支

正嘉南苑小志 卷三十一 八
持邑令鄭炳旌曰矢志柏舟現年六十

庠生凌經妻李氏獅石人年二十五夫亡遺孤甫週
晬矢志不移敬事舅姑撫幼子飲食衣服俱從儉
約長督之學嚴束以禮年逾五十卒

雷氏周所張觀光妻夫亡年二十六孀守幼子撫之
成立復遭天折繼養孤孫姑媳周旋六十歲卒

劉氏周所朱增忠妻夫亡遺腹生子錦宏矢志孀守
孝敬舅姑撫孤訓學維嚴底於成立現年五十三
鄧隆祥妻張氏牛頭陂人夫亡二十五歲遺腹生男
矢志守節撫孤成立冰雪無瑕現年六十九

聶先舉妻譚氏涼源田心人二十三歲夫亡子在襁